

前
汉
书

宣帝紀第八

漢書八

正議大夫行祕書少監琅邪縣開國子顏師古注

孝宣皇帝

荀悅曰諱詢字次卿詢之字曰謀應劭曰諡法聖善周聞曰宣

武帝曾孫戾太子孫也

韋昭曰以建戾擅發兵故諡曰

戾臣諱曰太子誅江充以除讒賊而事不見明後武帝覺寤遂族充家宣帝不得以加

惡諡也董仲舒曰有其功無其意謂之戾無其功有其意謂之罪師古曰費說是也

太子納

史良娣

服虔曰史姓也良娣官也師古曰太子有妃有良娣有孺子凡三等娣音次第之第

生史皇孫

師古曰以外家姓稱之故曰史皇孫

皇孫

納王夫人生宣帝號曰皇曾孫生數月遭巫蠱事太子良娣皇孫

王夫人皆遇害語在太子傳曾孫雖在襁褓

李奇曰襁絡也以緇布為之絡負小兒綴絡也孟康曰

綴小兒被也師古曰襁即今之小兒綴也綴孟說是也襁音居丈反綴音保綴音補耕反

猶坐收繫郡邸獄

如淳曰謂諸郡邸置獄也師古曰據漢舊儀郡邸獄

治天下郡國上計者屬大鴻臚此蓋巫蠱獄繁收繫者眾故曾孫寄在郡邸獄

而邴吉為廷尉監

師古曰監者廷尉之官屬治巫蠱於郡

邸憐曾孫之亡辜使女徒復作淮陽趙徵卿潁城胡組更乳養

李奇

曰復作者女徒也謂經罪男子守邊一歲女子輭弱不任守復令作於官亦一歲故謂之復作徒也孟康曰復音服謂地刑徒也有赦令詔書去其鉗鈇赭衣更犯事不從徒加與民為例故當復

為官作滿其本罪年月日律名為復作也師古曰孟說是也趙徵卿潁陽人胡組潁城人皆女徒也二人更遞乳養曾孫而邴吉傳云郭最卿紀傳不同未知孰是更音工衛反

私給

衣食視遇甚有恩巫蠱事連歲不決至後元二年武帝疾往來長

楊五柞宮

師古曰長楊五柞二宮並在盤屋皆以樹名之帝往來二宮之間也柞字或作栞其音同

望氣者言長安獄中有天

子氣上遣使者分條中都官獄

師古曰中都官凡京師諸官府也

繫者輕重皆殺之內

謁者令郭穰夜至郡邸獄

師古曰百官表云內者署屬少府精潔書志云掌宮中布張諸製物丁字漢官云令秩于石蓋當時禮為此使

拒閉使者不得入曾孫賴吉得全因遭大赦吉廼載曾孫送祖母

史良娣家語在吉及外戚傳後有詔掖庭養視上屬籍宗正

應劭曰掖庭宮

入之官有令丞宦者爲之詔救掖庭養視之始令宗正著其屬籍

時掖庭令張賀營事戾太子思顧舊恩師古

曰顧念也

哀曾孫奉養甚謹曰私錢供給教書既壯爲取暴室嗇夫許廣

漢女

應劭曰暴室宮人獄也今曰薄室許廣漢坐法腐爲宦者作嗇夫也師古曰暴室者掖庭主織作染練之署故謂之暴室取暴曬爲名耳或云薄室者薄亦暴也今俗語亦云薄曬

蓋暴室職務既多因爲置獄主治其罪人故往往云暴室獄耳然本非獄名應說失之矣嗇夫者暴室屬官亦猶縣鄉之嗇夫也囉音所懈反又音所智反

曾孫因依倚

廣漢兄弟及祖母家史氏

師古曰倚音於綺反

受詩於東海馮中翁

服虔曰馮音馮師古曰東海人

姓馮字中翁也馮音房福反中讀曰仲

高材好學然亦喜游俠

師古曰喜音許吏反

鬪雞走馬具知閭里

奸邪吏治得失數上下諸陵

師古曰諸陵皆據高敞地為之縣即在其側帝每周游往來諸陵縣去則上來則下故言上下諸陵

周徧

三輔

師古曰游行皆至其處

常困於蓮勺鹵中

如消曰為入所困辱也蓮勺縣有鹽池縱廣十餘里其鄉人名為鹵中蓮音董勺音灼師古曰如說

是也鹵者鹹地也今在櫟陽縣東其鄉人謂此中為鹵鹽池也

尤樂杜鄠之間

師古曰二縣之間也杜屬京兆鄠屬扶風鄠音扈

率常在下

杜

孟康曰在長安南師古曰率者總計之言也下杜即今之杜城

時會朝請舍長安尚冠里

文穎曰以屬弟尚親故歲時隨宗室朝會也如

消曰春曰朝秋曰請師古曰舍止也尚冠者長安中里名帝會朝請之時即於此里中止息請音才姓反

身足下有毛臥居數有光耀

曰遍身及足下皆有毛

每買餅所從買家輒大饑

師古曰饑讀曰舊

亦曰是自怪元平元年四

月昭帝崩毋嗣大將軍霍光請皇后徵昌邑王六月丙寅王受皇

帝璽綬尊皇后曰皇太后癸巳光奏王賀淫亂請廢語在賀及光

傳秋七月光奏議曰禮人道親親故尊祖尊祖故敬宗太宗毋嗣

擇支子孫賢者為嗣孝武皇帝曾孫病已

師古曰蓋以風遭屯難而多病苦故名病已欲其速差也後以為鄒更改

諱有詔掖庭養視至今年十八師受詩論語孝經操行節儉慈仁

愛人可曰嗣孝昭皇帝後奉承祖宗子萬姓

師古曰天子以萬姓為子故云子萬姓

奏可遣

宗正德至曾孫尚冠里舍洗沐賜御府衣太僕已輪獵車奉迎曾

孫文穎曰輪獵小車前有曲輿不衣也近世謂之輪獵車也孟康曰今之載獵車也前有曲輪特高大獵時立其中格射禽獸李奇曰藹輿輕車也師古曰文李二說皆是時未備天子車駕故

且取其輕便耳非藉高大也孟說失之輪音鈴就齊宗正府庚申入未央宮見皇太后封為陽武

侯師古曰先封侯者不已而羣臣奏上璽綬即皇帝位謁高廟八月己巳

丞相敞薨師古曰楊敞也九月大赦天下十一月壬子立皇后許氏賜諸侯

王已下金錢至吏民鰥寡孤獨各有差皇太后歸長樂宮長樂宮

初置屯衛

本始元年春正月募郡國吏民訾百萬已上徙平陵文穎曰昭帝陵遣使者

持節詔郡國二千石謹收養民而風德化師古曰以德化破於下故云風也詩序曰上以風化下大將

軍光稽首歸政上謙讓委任焉論定策功益封大將軍光萬七千

戶車騎將軍光祿勳富平侯安世萬戶李奇曰居光祿位以車騎官號尊之無車騎官屬詔曰故丞相安平侯敞等居位守職與大將軍光車騎將軍安世建議定策

呂安宗廟功賞未加而薨其益封敝嗣子忠及丞相陽平侯義師古曰蔡

義度遼將軍平陵侯明友師古曰范明友前將軍龍維侯增師古曰韓增太僕建平

侯延年師古曰杜延年太常蒲侯昌師古曰蘇昌諫大夫宜春侯譚師古曰王譚當塗侯平

師古曰功臣表云魏不害以捕反者胡倩功封當塗侯其子聖以定策功益杜侯屠耆堂

封凡二千二百戶今此紀言當塗侯平與表乖錯未知孰是或者有二名乎蘇林曰姓復陸其祖父復陸支不剛奴胡也歸義為屬國王從驃騎有功乃更封也

長信少府關內侯勝師古曰夏侯勝邑戶各有

差封御史大夫廣明為昌水侯師古曰田廣明後將軍充國為營平侯師古曰趙充國

大司農延年為陽城侯師古曰田延年少府樂成為爰氏侯師古曰史樂成光祿大夫

遷為平丘侯師古曰王遷賜右扶風德師古曰周德典屬國武師古曰蘇武廷尉光師古曰李光

宗正德師古曰楚元王之曾孫劉辟疆子大鴻臚賢師古曰韋賢詹事畸蘇林曰畸音畸隻之路師古曰宋畸也音居宜反光

祿大夫吉師古曰丙吉京輔都尉廣漢師古曰趙廣漢也三輔郡皆有都尉如諸郡左輔都尉治高陵右輔都尉治鄠京輔都尉治華陰灌

北爵皆關內侯德武食邑張晏曰舊關內侯無邑也以蘇武守節外國劉德宗室後彥故特合食邑夏四月庚午地

震詔內郡國舉文學高第各一人師古曰中國為內郡緣邊有夷狄障塞者為外郡成帝時內郡舉方正北邊二十二郡舉勇猛士

五月鳳皇集膠東千乘赦天下賜吏二千石諸侯相下至中都官

宦吏六百石爵各有差

如淳曰中都官宦吏奄人為吏者也晉灼曰凡職在京師者也師古曰二說皆非也中都官謂在京師諸官也宦吏諸奄官也

自左更至五大夫

師古曰左更第十一爵也五大夫第九爵也更音工衡反

賜天下人爵各一級孝者二

級女子百戶牛酒租稅勿收六月詔曰故皇太子在湖未有號諡

師古曰湖縣名也死於湖因即葬焉

歲時祠其議諡置園邑語在太子傳秋七月詔立燕

刺王太子建為廣陽王

師古曰刺音來曷反

立廣陵王胥少子弘為高密王

二年春己水衡錢為平陵徙民起第宅

應劭曰水衡與少府皆天子私藏耳縣官公作當仰給司農今出水衡錢言宣

帝即位為異政也晉灼曰食貨志初大司農管鹽鐵官布多故置水衡欲以主鹽鐵及楊可告緡上林財物眾乃令水衡主上林三官主鑄錢也

大司農陽城侯

田延年有罪自殺

師古曰坐壇餽直而自入

夏五月詔曰朕已眇身奉承祖宗夙夜

惟念孝武皇帝躬履仁義選明將討不服匈奴遠遁平氏羌昆明

南越百蠻鄉風

師古曰鄉讀曰嚮也

款塞來享

應劭曰款叩也皆叩塞門來服從也如淳曰款寬也請除守塞者自保不為寇害也故曰款五

原塞師古曰應說是也此汎說夷狄來賓之事非呼韓邪保塞意也

建太學修郊祀定正朔協音律封泰山塞

宣房

蘇林曰隄名在東郡界李斐曰決河上宮名也張晏曰瓠子隄名師古曰蘇張二說皆是

符瑞應寶鼎出白麟獲功德茂

盛不能盡宣而廟樂未稱

師古曰稱副也

其議奏有司奏請宜加尊號六月

庚午尊孝武廟爲世宗廟奏盛德文始五行之舞

應劭曰宣帝復采昭德之舞爲盛德舞以尊世

宗廟也諸帝廟皆常奏文始四時五行舞也

天子世世獻武帝巡狩所幸之郡國皆立廟賜民

爵一級女子百戶牛酒匈奴數侵邊又西伐烏孫烏孫昆彌及公

主因國使者上書

師古曰昆彌烏孫王之號也國使者漢朝之使也

言昆彌願發國精兵擊匈奴

唯天子哀憐出兵已救公主秋大發興調關東輕車銳卒

師古曰調亦選也銳

利也言其勇利也調音徒釣反

選郡國吏三百石伉健習騎射者皆從軍

師古曰伉強也音口浪反御史

大夫田廣明爲祁連將軍

應劭曰祁連匈奴中山名也諸將分部廣明

後將軍趙

充國爲蒲類將軍

應劭曰蒲類匈奴中海名也在敦煌北晉灼曰匈奴傳有蒲類澤師古曰晉說是也

雲中太守田順爲

虎牙將軍及度遼將軍范明友前將軍韓增凡五將軍兵十五萬

騎校尉常惠持節護烏孫兵咸擊匈奴

三年春正月癸亥皇后許氏崩戊辰五將軍師發長安夏五月軍

罷祁連將軍廣明虎牙將軍順有罪下有司皆自殺晉灼曰田千秋子也廣明坐逗留順坐增

虜校尉常惠將烏孫兵入匈奴右地大克獲封列侯大旱郡國傷

旱甚者民毋出租賦三輔民就賤者且毋收事盡四年晉灼曰不給官役也師古曰收

謂租賦也事謂役使也盡本始四年而止六月己丑丞相義薨師古曰蔡義

四年春正月詔曰蓋聞農者興德之本也今歲不登已遣使者振

貸困乏其令太官損膳省宰師古曰膳具食也食之善者也宰為屠殺也省減也漢儀注大宰令屠者七十二人宰二百人樂府

減樂人使歸就農業丞相已下至都官令丞師古曰都官令丞京師諸署之令丞上書入

穀輸長安倉助貸貧民民已車船載穀入關者得毋用傳師古曰傳傳符也欲

穀之多故不問其出入也傳音張戀反三月乙卯立皇后霍氏賜丞相已下至郎吏從官金

錢帛各有差赦天下夏四月壬寅郡國四十九地震或山崩水出

詔曰蓋災異者天地之戒也朕承洪業奉宗廟託于士民之上未

能和羣生廼者地震北海琅邪壞祖宗廟朕甚懼焉丞相御史其

與列侯中二千石博問經學之士有已應變師古曰謂禦輔朕之不逮

毋有所諱令三輔太常內郡國舉賢良方正各一人律令有可蠲

除已安百姓條奏被地震壞敗甚者勿收租賦大赦天下上已宗

廟墮素服避正殿五日師古曰墮者毀也音火規反五月鳳皇集北海安丘滄于師古曰三

縣皆屬北海郡秋廣川王吉有罪廢遷上庸自殺

地節元年應劭曰以先者地震山崩水出於是改年曰地節欲令地得其節春正月有星孛于西方三月假

郡國貧民田師古曰權以給之不常與夏六月詔曰蓋聞堯親九族已和萬國師古曰尚書堯

典云克明峻德以親九族九族既睦平章百姓百姓昭明協和萬邦故詔引之朕蒙遺德奉承聖業惟念宗室屬未盡

而已罪絕若有賢材改行勸善其復屬使得自新師古曰復音扶目反冬十一月

楚王延壽謀反自殺十二月癸亥晦日有蝕之

二年春三月庚午大司馬大將軍光薨詔曰大司馬大將軍博陸

侯師古曰尊之故不名宿衛孝武皇帝三十餘年輔孝昭皇帝十有餘年遭大

難躬秉義率三公諸侯九卿大夫定萬世策已安宗廟天下蒸庶

咸曰康寧師古曰蒸庶衆人也康安也功德茂盛朕甚嘉之復其後世疇其爵邑張晏曰律

非始封十減二疇者等也言不復減也師古曰復音方目反世世毋有所與師古曰與讀曰豫功如蕭相國夏四月

鳳皇集魯郡羣鳥從之師古曰今流俗書本此下云戊申立皇太子而後年又有立皇太子事此蓋以元紀云元帝二歲宣帝即位八歲爲皇太子故

後人妄於此書加之舊本無也據疏廣及丙吉傳並云地節三年立皇太子此即明驗而或者妄爲臆說乖於實矣大赦天下五月光祿大夫

平丘侯王遷有罪下獄死上始親政事又思報大將軍功德廼復

使樂平侯山領尙書事師古曰霍山光之兄孫而令羣臣得奏封事已知下情五

日一聽事已下各奉職奏事已傳奏其言應劭曰敷陳也各自奏陳其言然後試之以官考其功德也師古曰

傳讀曰敷考試功能侍中尙書功勞當遷及有異善厚加賞賜至于子孫

終不改易師古曰言各久其職事也樞機周密品式備具上下相安莫有苟且之意也

三年春三月詔曰蓋聞有功不賞有罪不誅雖唐虞猶不能已化

天下今膠東相成勞來不怠

師古曰王成也勞來者言慰勉而招延之也小雅鴻鴈之詩序曰勞來還定安集之勞音盧到反來音盧代反

流民自占八萬餘口

師古曰占者謂自隱度其戶口而著名籍也古音之瞻反

治有異等

師古曰政治異於常等

其秩

成中二千石賜爵關內侯又曰鰥寡孤獨高年貧困之民朕所憐

也前下詔假公田貸種食

師古曰貸音吐戴反

其加賜鰥寡孤獨高年帛二千

石嚴教吏謹視遇毋令失職

師古曰職謂失其常業也

令內郡國舉賢良方正

可親民者夏四月戊申立皇太子大赦天下賜御史大夫爵關內

侯中二千石爵右庶長

張晏曰自公孫弘後丞相常封列侯第二十等爵故賜御史大夫爵關內侯第十九等爵也右庶長第十一等爵也師古曰張

說非也此以立皇太子國之大慶故特賜御史大夫及中二千石爵耳非常制也

天下當為父後者爵一級賜廣陵王黃

金千斤諸侯王十五人黃金各百斤列侯在國者八十七人黃金

各二十斤冬十月詔曰廼者九月壬申地震朕甚懼焉有能箴朕

過失

師古曰箴戒也

及賢良方正直言極諫之士呂匡朕之不逮

師古曰匡正也毋諱

有司

李奇曰諱避也雖有司在顯職皆言其過勿避之

朕既不德不能附遠是呂邊境屯戍未息今

復飭兵重屯久勞百姓

師古曰飭讀與救同飭整也

非所已綏天下也其罷車騎將

軍右將軍屯兵又詔池籩未御幸者假與貧民

蘇林曰折竹以繩縣連禁禦使人不得往來律名為

籩服虔曰籩在池水中作室可用棲鳥鳥入中則捕之應劭曰池者吸池也籩者禁苑也臣贊曰籩者所以養鳥也設為藩落周覆其上令鳥不得出猶苑之畜獸池之畜魚也師古曰蘇應二說是

郡國宮館勿復修治流民還歸者假公田貸種食

師古曰貸音吐戴反種五穀種也音之勇反

且勿算事

師古曰不出算賦及給徭役

十一月詔曰朕既不逮導民不明

師古曰不逮者意慮不及也

反側晨興念慮萬方不忘元元唯恐羞先帝聖德

師古曰羞謂忝辱也

故竝舉

賢良方正以親萬姓歷載臻茲然而俗化闕焉

師古曰多歷年載迄至于今

傳曰孝

弟也者其為仁之本與

師古曰論語載有若之言與讀曰予

其令郡國舉孝弟有行義聞

於鄉里者各一人十二月初置廷尉平四人秩六百石省文山郡

并蜀

師古曰以其縣道隸蜀郡

四年春二月封外祖母為博平君故鄴侯蕭何曾孫建世為侯詔

曰導民曰孝則天下順今百姓或遭衰經凶災

師古曰衰音千回反

而吏繇事使

不得葬

師古曰繇讀曰傷事謂役使之

傷孝子之心朕甚憐之自今諸有大父母父母

喪者勿繇事使得收斂送終盡其子道夏五月詔曰父子之親夫

婦之道天性也雖有患禍猶蒙死而存之

師古曰蒙冒也

誠愛結於心仁厚

之至也豈能違之哉自今子首匿父母妻匿夫孫匿大父母皆勿

坐

師古曰凡首匿者言為謀首而藏匿罪人

其父母匿子夫匿妻大父母匿孫罪殊死皆上請

廷尉已聞立廣川惠王孫文為廣川王秋七月大司馬霍禹謀反

詔曰廼者東織室令史張賊

應劭曰舊時有東西織室織作文繡邪朝之服令史其主者吏

使魏郡豪李竟

文穎曰有權執豪右大家

報冠陽侯霍雲謀為大逆

如淳曰報白也師古曰此說非也謂張敖因李竟傳言於霍雲與其謀反耳非告白其罪

也赦既為織室令史身在京師不須令李竟發之據霍禹傳其事明矣

朕已大將軍故抑而不揚冀其自新今大

司馬博陸侯禹與母宣成侯夫人顯及從昆弟冠陽侯雲樂平侯

山

師古曰據霍光傳雲山皆去病之孫則於禹為子行也今此紀言從昆弟蓋轉寫者脫子字耳當言從昆弟子也

諸姊妹婿度遼將軍范

明友長信少府鄧廣漢中郎將任勝騎都尉趙平長安男子馮殷

等晉灼曰漢語字子都謀為大逆顯前又使女侍醫瘡于衍進藥殺其哀后師古曰殺

讀曰恭謀毒太子欲危宗廟逆亂不道咸服其辜諸為霍氏所註

誤未發覺在吏者皆赦除之八月己酉皇后霍氏廢九月詔曰朕

惟百姓失職不贍遣使者循行郡國問民所疾苦師古曰行音下更反吏或營

私煩擾不顧厥咎朕甚閔之今年郡國頗被水災已振貸師古曰貸音吐戴反

鹽民之食而賈咸貴師古曰賈讀曰價其下亦同眾庶重困師古曰更增其困也重音直用反其減天下

鹽賈又曰令甲死者不可生文穎曰蕭何承秦法所作為律令律經是也天子詔所增損不在律上者為令甲者前帝第一令也如淳曰

令有先後故有令甲令乙令丙師古曰如刑者不可息李斐曰息滅也若黥劓者雖欲改過其創癢不可復滅也師古曰息謂生

長也言劓則臠割之徒不可更生長亦猶謂子為息耳李說非也此先帝之所重而吏未稱師古曰今繫者或

已掠辜若飢寒瘐死獄中蘇林曰瘐病也囚徒病律名為瘐如淳曰律囚以飢寒而死曰瘐師古曰瘐病是也此言囚或以掠笞及飢寒及疾

病而死如說非矣瘐音庾字或作瘠其音亦同何用心逆人道也朕甚痛之其令郡國歲上繫囚

已掠笞若瘐死者所坐名縣爵里師古曰名其人名也縣所屬縣也丞相御

史課殿最已聞

師古曰凡言殿最者殿後也課居後也最凡要之首也課居先也殿音丁見反

十二月清河王年有罪

廢遷房陵

元康元年春己杜東原上為初陵更名杜縣為杜陵徙丞相將軍

列侯吏二千石訾百萬者杜陵三月詔曰廼者鳳皇集泰山陳留

甘露降未央宮朕未能章先帝休烈

師古曰章明也休美也烈業也

協靈百姓承天順

地調序四時獲蒙嘉瑞賜茲祉福夙夜兢兢靡有驕色內省匪解

永惟罔極

師古曰省視也永長也惟思也罔無也極中也帝言內自視察不敢惰怠長思正道恐無其中也解讀曰解

書不云乎鳳皇來

儀庶尹允諧

師古曰虞書益稷之篇曰蕭韶九成鳳皇來儀擊石拊石百獸率舞庶尹允諧言奏樂之和鳳皇以其容儀來下百獸相率舞蹈是乃眾官之長信皆和輯故

神人其赦天下徒賜勤事吏中二千石已下至六百石爵自中郎吏

至五大夫

師古曰賜中郎吏爵得至五大夫自此以上每為等級而高賜也五大夫第九爵也一日二千石至五大夫自此以下而差降

佐史已上二

級民一級女子百戶牛酒加賜鰥寡孤獨三老孝弟力田帛所振

貸勿收夏五月立皇考廟益奉明園戶為奉明縣

師古曰奉明園即皇考史皇孫之所葬也本名

廣明後追改也復高皇帝功臣絳侯周勃等百三十六人家子孫令奉祭祀

師古曰復音方目反次下亦同世世勿絕其毋嗣者復其次秋八月詔曰朕不明六藝

鬱于大道孟康曰鬱不通也是曰陰陽風雨未時其博舉吏民厥身修正通

文學明於先王之術宣究其意者各二人師古曰究盡也中二千石各一人

冬置建章衛尉

二年春正月詔曰書云文王作罰刑茲無赦師古曰周書康誥之辭也言文王作法罰其有亂常違教者則

刑之無放釋也今吏修身奉法未有能稱朕意朕甚愍焉其赦天下與士大

夫厲精更始李斐曰今吏已修身奉法矣但不能稱上意耳故赦之師古曰言文王作罰有犯之者皆刑無赦今我意有所閔閱更修身奉法矣而未稱其任故特赦之與

更始耳李說非也二月乙丑立皇后王氏師古曰王奉光女賜丞相呂下至郎從官錢帛各

有差三月己鳳皇甘露降集賜天下吏爵二級民一級女子百戶

牛酒鰥寡孤獨高年帛夏五月詔曰獄者萬民之命所曰禁暴止

邪養育羣生也能使生者不怨死者不恨則可謂文吏矣今則不